

5 января, предпраздн РХ, Мучеников, иже в Крите

## 5 января, предпраздн РХ, Мучеников, иже в Крите

### 3-й час

#### Тропари

Тропарь предпразднства Рождества Христова, глас 4

Готóвися, Вифлеéме,/ отвѣрзися всем, Едѣме,/ красуйся, Евфрафо,/ яко древо животá в вертѣпе процветѣ от Дѣвы:/ рай бо Оноя чрево явися мýсленный,/ в нёмже Божѣственный сад,/ от негоже ядше, живи бóдем,/ не, якоже Адам, умрем./ Христóс раждáется прѣжде падший возстáвити образ.

Слáва Отцú, и Сýну, и Свято́му Дúху.

Тропарь мучеников, иже в Крите, глас 4

Мúченицы Твой, Гóсподи,/ во страдáниях свойх венцý прияша нетлѣнныя от Тебѣ, Бóга нáшего,/ íмуще бо крѣпость Твою, мучíтелей низложíша,/ сокрушíша и дѣмонов немощнýя дѣрзости./ Тех молíтвами/ спасí дúши нáша.

#### Кондак

Конда́к предпразднства Рождества Христова, глас 3

Дѣва днесь Превѣчное Слово/ в вертѣпе грядѣт родíти неизречѣнно:/ ликýй, вселѣнная, услýшавши,/ прослáви со А́нгелы и па́стырьми/ хотящаго явítися Отрочá Млáдо, Превѣчнаго Бóга.

### 6-й час

#### Тропари

Тропарь предпразднства Рождества Христова, глас 4

Готóвися, Вифлеéме,/ отвѣрзися всем, Едѣме,/ красуйся, Евфрафо,/ яко древо животá в вертѣпе процветѣ от Дѣвы:/ рай бо Оноя чрево явися мýсленный,/ в нёмже Божѣственный сад,/ от негоже ядше, живи бóдем,/ не, якоже Адам, умрем./ Христóс раждáется прѣжде падший возстáвити образ.

Слáва Отцú, и Сýну, и Свято́му Дúху.

Тропарь мучеников, иже в Крите, глас 4

Мúченицы Твой, Гóсподи,/ во страдáниях свойх венцý прияша нетлѣнныя от Тебѣ, Бóга нáшего,/ íмуще бо крѣпость Твою, мучíтелей низложíша,/ сокрушíша и дѣмонов немощнýя дѣрзости./ Тех молíтвами/ спасí дúши нáша.

#### Кондак

Конда́к предпразднства Рождества Христова, глас 3

**5 января, предпраздн РХ, Мучеников, иже в Крите**

Дэва днесь Превéчное Слово/ в вертéпе грядёт родíti неизречéнно:/ ликуй, вселéнная, услышавши,/ прослави со А́нгелы и па́стырьми/ хотя́щаго яв́итися Отрочá Млáдо, Превéчнаго Бóга.

## **Божественная Литургия свт. Иоанна Златоуста**

**Тропари по входе**

**Тропарь пред-/попразднства**

Тропа́рь предпра́зднства Рожде́ства Христо́ва, глас 4

Гото́вися, Вифлеéме,/ отве́рзися всем, Еде́ме,/ красуйся, Евфра́фо,/ я́ко дре́во животá в вертéпе процветé от Дэвы:/ рай бо О́ноя чре́во яв́ися мы́сленный,/ в нёмже Божéственный сад,/ от него́же я́дше, жи́ви бу́дем,/ не, я́коже Ада́м, у́мрем.// Христо́с ражда́ется прэ́жде па́дший возста́вити о́браз.

**Тропарь храма**

**Тропарь праздника/святого**

Тропарь мучеников, иже в Крите, глас 4

Мученицы Тво́й, Го́споди,/ во страда́ниях сво́их венцы́ прия́ша нетле́нныя от Тебе́, Бóга на́шего,/ и́муще бо крéпость Твою́, мучи́телей низложи́ша,/ сокруши́ша и де́монов немощны́я дэ́рзости./ Тех моли́твами// спаси́ ду́ши на́ша.

**Кондак храма**

**Сла́ва Отцу́, и Сы́ну, и Свято́му Ду́ху.**

**Кондак праздника/святого**

Кондак мучеников, иже в Крите, глас 4

5 января, предпраздн РХ, Мучеников, иже в Крите

Денница возсия мучеников/ честное страдальчество  
предозаряющее нам в вертепе раждаемаго:// Егоже Дева  
безсеменно роди.

И ныне, и присно, и во веки веков. Аминь.

Кондак предпразднства Рождества Христова, глас 3

Дева днесь Превечное Слово/ в вертепе грядет родити  
неизреченно:/ ликуй, вселенная, услышавши,/ прослави  
со Ангелы и пастырьми// хотящаго явится Отроча Младо,  
Превечнаго Бога.

### Прокимен

Понедельник. Прокимен дня

**Чтец:** Прокимен, глас 4: Творяй ангелы Своя духи, / и слуги Своя пламень  
огненный.

**Лик:** Творяй ангелы Своя духи,/ и слуги Своя пламень  
огненный.

**Чтец: Стих:** Благослови, душе моя, Господа, Господи Боже мой, возве-  
личился еси зело.

**Лик:** Творяй ангелы Своя духи,/ и слуги Своя пламень  
огненный.

Прокимен мучеников, иже в Крите

**Чтец:** Прокимен, глас 4: Святым, иже суть на земли Его,/ удиви Господь вся  
хотения Своя в них.

**Лик:** Святым, иже суть на земли Его,/ удиви Господь вся  
хотения Своя в них.

**И чтец надписание Апостола:** Ко Евреем послания святого Апостола Павла  
чтение.

**И паки диакон:** Вонмем.

Зачало 329А В понедельник 31-я недели. (Евр.11:17-23,27-31)

## 5 января, предпраздн РХ, Мучеников, иже в Крите

Братие, верою приведе Авраам Исаака искушаемь, и единороднаго приношаше, обетования приемый, к немуже глаголаше бысть: яко о Исааце наречет ти семя. Помыслив, яко и из мертвых воскресити силен есть Бог, темже того и в притчи прият. Верою о грядущих благословии Исаак Иакова и Исава. Верою Иаков умирая коегождо сына Иосифова благословии и поклонися на верх жезла его. Верою Иосиф умирая о исхождении сынов Израилевых памяствова и о костех своих заповеда. Верою Моисей родився сокровен бысть три месяцы от отец своих, зане видеша красно отроча и не убояшася повеления царева. Верою остави Египет, не убоявся ярости царевы, Невидимаго бо яко видя, терпяше. Верою сотвори Пасху и пролитие крове, да не губляяй перворожденная коснется их. Верою преидоша Чермное море аки по сусе земли, егоже искушение приемше Египтяне истопишася. Верою стены Иерихонския падоша обхождением седмих дней. Верою Раав блудница не погибе с сопротивльшимися, приемши сходники с миром и иным путем изведши.

Под зачало:

### Зачало 333А Во вторник 31-я недели. (Евр.12:25-26,13:22-25)

Блюдите же, да не отречетесь Глаголющаго. Аще бо не избежаша они отрещиися пророчествующаго на земли, множае паче мы отрицающися Небеснаго, Егоже глас землю тогда поколеба, ныне же обетова, глаголя: еще единою Аз потрясу не токмо землю, но и небом. Молю же вы, братие, примите слово утешения, ибо в мале написав послал вам. Знайте брата нашего отпущена Тимофея, с нимже, аще скорее придет, узрю вас. Целуйте вся наставники ваша и вся святые. Целуют вы иже от Италии сущии. Благодать со всеми вами. Аминь.

мучеников, иже в Крите:

### Зачало 233 Неделя 27. Сие же и в субботу по Просвещении. (Еф.6:10-17)

Братие, возмогайте о Господе и в державе крепости Его, облечитесь во вся орудия Божия, яко возмощи вам стати противу кознем диавольским, яко несть наша брань к крови и плоти, но к началом и ко властем и к миродержителем тмы века сего, к духовом злобы поднебесным. Сего ради примите вся орудия Божия, да возможете противитися в день лют и вся содеявше стати. Станите убо препоясани чресла ваша истиною, и облкшесь в броня правды, и обувше нозе во уготование благовествования мира, над всеми же восприимше щит веры, в немже возможете вся стрелы лукаваго разжженныя угасити. И шлем спасения восприимите, и меч духовный, иже есть глагол Божий.

**Чтец:** Аллилуиа. Аллилуиа. Аллилуиа, глас 8.

Понедельник. Аллилуиарий дня

**5 января, предпраздн РХ, Мучеников, иже в Крите**

**Чтец:** Хвалите Господа, вси ангели Его, хвалите Его, вся силы Его.

**Лик:** Аллилу́иа. Аллилу́иа. Аллилу́иа.

**Чтец: Стих:** Яко Той рече и быша, Той повеле и создашася.

**Лик:** Аллилу́иа. Аллилу́иа. Аллилу́иа.

**Аллилуарий мучеников, иже в Крите**

**Чтец:** Возваша праведнии, и Господь услыша их, и от всех скорбей их избави их.

**Лик:** Аллилу́иа. Аллилу́иа. Аллилу́иа.

**Причастны**

Твори́й А́нгелы Сво́я ду́хи и слуги́ Сво́я пла́мень  
о́гненный.

Ра́дуйтесь, пра́веднии, о Го́споде, пра́вым подобáет  
похва́ла.

Аллилу́иа. Аллилу́иа. Аллилу́иа.